

پازار ایرتسی فی ۱۶ ربیع الال سنه ۱۳۲۸ و فی ۱۵ مارت سنه ۱۳۲۶

جمعیت علمیہ اسلامیہ نك ناشر افکاریدر

مدیر مسئول :	سر محرر :	صاحب امتیاز :
مکتب نواب معلمارندن	فاتح مجیز درسعاملرندن	فاتح مجیز درسعاملرندن
کایسلی منیر	توقاد مبعوثی	استانبول مبعوثی
	مصطفی صبری	مصطفی عاصم

مندرجات

ادبیات :	مولود آلائی والاسی
اخلاق ع. عاطف	مجله به روا کوریدن مؤاخذہ فی مدافعه کوچوک جلدی
حریت ا. طاهر	تاریخ اسلام بمائفتندن طاهر المولوی
ردی علی مافی القول الجید من الردی مصطفی صبری	حاجی عمر (یاماوفا) افندی حضر تلیزینہ تشکر حاجی نجیب
متفرقه	اسلامده عسکر لک ع. عاطف
مبسوط سرخسی	جهت جامعه محمدیه و اخوت اسلامیہ حسین حازم

نسخه سی ۱ غروشدرد

آبونه اجرتی (پوسته اجرتیه برابر در)

ممالک اجتبیہ ایچون :	استانبول و ولایات ایچون :
۶۰ ، ۱۲ فرانق	برسنه لکی ۶۰ غروش
« ۶۰ ۳۰ »	التي آیلنی ۳۰ «


درج ایدلمیان اوراق اعاده اولنماز

قارئلر مرزه :

اکثر مقالاته آیات کریمه و احادیث نبویه درج ایدلمش بولندینی نظر اعتباره آله رق رعایت سز لکده بولنماماسی رجا اولنور

درسعادت

طنین مطبعه سنده طبع اولمشدر



پازار ایرتسی کونلری نشر اولنور دینی، ادبی، سیاسی وفی هفته لوق غزته در .

بِسْمِ اللَّهِ الرَّحْمَنِ الرَّحِيمِ

مولود آلا ی والاسی

بوتون بلاد اسلامیة عثمانیه ده احکام عدالت، مراسم شریعت محافظه اولنور، خلقه محتاج اولدینی تربیه ملیه نیک ویرلمسی جهته اعتنا ایدیلردی. بوعرض اولنان اعتنالی فرائض وواجباتدن اولان امور دینییه منحصر قالمزدی. شریعت مبعوله نظر نده، اهل اسلام عندنده محترم اولان آیلرک، کونلرک. کیجه لرک محترم اولدیغنی عامه ارباب ایمانه تذکیر واطار ایچون هریرده زمان ومکانه کورده علامتلی وضع اولغنش. کیمی رده طویلر آتیمسه سی. بعض محللرده قیدیلا ریا قیامه سی وبعضیلارنده هرایکی سنک اجرایی مراسم مخصوصه صرسته کیمشدرد. بومراسم: اساساً اوامر شرعیهدن اولمادینی حالد ارباب ایمان وهدایتی برنوع تاییه وایقاظ معناسنی متضمن اولمه سی حیثیتیه شایان تقدیر واستحساندر.

بوجهلدن اوله رق ولادت جملیه حضرت سیدالا نامک شرف وقوعه کلدیکی شهر ربیع الاولک اون ایکنجی کیجه سنن نعقب ایدن کونده پادشاه عالیجاه زمان طرفندن

تاریخ عثمانی صحیفنی آرزوق قارشدرمش اولانلر دولت ابد مدت عثمانیه ناک ادوار استیلا سننده، اعصار اعتلا سننده شعائر دینییه حرمت. قوانین اسلامییه رعایت خصوصیلارنده اباء واجداد مزک صرف ایتمش اولدقاری مساعی مشکور دینی کورمشلر. اکلاه شلردر. هر هانکی بر مملکت. هر هانکی بر شهر: ارباب غزنانک جلادتیله حرباً. انتخاب دهانک سیاستیه صلحاً فتح وتسخیر اولننجه اک برنجی ایشلری اوراده فقهای اسلامیهدن برحاکم بولنددرمق. مراسم دینییه اقامه سی ایچون ایجاب ایدن مأمورلری تعین ایتک اولور ایدی. اوندن صکرده یرینه کوره متعدد مدرسه لر بناسی. قرآن کریم تعلیمی ایچون قراخانلر انشاسی وامثالی آناردینییه وجوده کتیریلردی.

سلاطین عظام جو امع شریفه سنک برنده منقبه ولادت سنیه احمدیه نك قرائت ایتدیرلمسی مراسم سلطنت سنیه وعادات مستحسنه عثمانیه صره سنه کچمشدیر . نه کوزل برقاعده ! رسم عالی مذکورک اجرا سیجون انعقاد ایدن قدسی، علوی جمعیتده حضرت پادشاه . ارکان دولت ، علما و سائر رجال سلطنت مدعواً حاضر اولور و آرزو ایدن هیچ بر اهل ایمان منع ایدلار . فقط هر مسلمانک بيلمه سی لازم کلدیکی وجهه بورسمار ، بوجعیتلر فرائض و واجباتدن اولمایوب نوافل عباداتدن معدوددر .

و عباداتک الزم و افضل اوجکه فرائض و ثانیاً واجباتدر . سن سنیه و بوقیل تطوعات شرعیه اونلردن صکره کلیر . حال بویه ایکن سویله سندن لسانلرک ، یازمه سندن قلملرک . دیکله مه سندن قولاقلرک آرتق بیقدینی ، اوصاندینی ، استکراه ایدر اولدینی دور سابقده . دور استبداده . دور جهسات و ریاده رسماً و ظاهراً بوکبی آلایلر اجرا اولور . بوتون طنطنه سییله بویه جمعیتلر قورولور . جماعت پادشاهدن اول حاضر بولور . ذات شاهانه نك جامع شریفه ورودینه قدر ذکر الله بدل صحبت . سکوت متفکرانه مقابله افاقه لر ایلده مکذار اولنوردی . پادشاه کلیر کز کویا وعظ ایدیلیر . ولادتنامه قدسیدن شویله جه بعض ابیات اوقونور و مجلسه ختام ویریلرک عودت ایدیلیردی . فقط بودفعه اجرا اولنان مولد آلائی . جمله مسلمانلرک خلیفه سی . بوتون عثمانیلرک پادشاهی ، پادشاه مشروطیت و حریت سلطان محمد خان خامس حضرت تارینک ایلک مولد آلائی و الای هایون ملوکانه لری بویه ریاکارانه وجعلی اولمق درک لرندن متباعد ، متعالی ایدی . باقیکنر جمعیت مقدسه نه صوته باشلادی . نه وجهه ختام بولدی . ساعت بشی چاریک کچموردی . مدعو و غیر مدعو جماعت مسلمین ایله جامع شریف طولدی . بردن بره غایت لطیف و حزین بر اعدو بسمله سی آذان حاضرینی تشیط ایلدی .

قولاقلر دکل دماغلر بیله بوسوت دلفریبک کلدیکی بره توجه ایتدی . فقط نه حاجت . اساساً لطیف اولان بو صوت کزین جامع شریفک هر گوشه سندن طویلقدده ایدی . بسمله جلیله نی سوره مبشره فتح شریف تعقیب ایتدی . هر کسی کمال صمت و سکوت ایله دیکله یور . حضرت قرآنک بخش ایتدیک فیوضاته نشود نیوردی . برده (لقد رضی الله عن المؤمنین اذ یبایعونک تحت الشجرة فعلم ما فی قلوبهم فانزل السکینه علیهم واثابهم فتحاً قریباً) آیت جلیله سنه کلنجه ورود هایونی مبشر اولان بورولر چالمنغه باشلادی . شو تصادف حسن احسن تصادفاندن عد اولمنغه شایاندر . بعده شرف وقوع بولان مساعده سنیه اوزرینه وعظ خدمتی ایفا و اوندن صکره منقبه جلیله ، فاصله لرنده قصائد مبارکه و صلوات و تسلیات تلاوتیله قرائت وادا اولندی .

تمام دعا ایدیله چکی صره ده ایدی که صلاوة ظهرک حاضر اولان جماعت کبری ایله اداسندن صکره بزم عالی فیوضات توالینک نهایتندیرلمسنه اراده دیانتعاده حضرت خلافتیناهی تعلق ایلدیک ایجاب ایدلره تبلیغ بیورلدی . ذاتاً وقت ظهر حلول ایله مش اولدینی جهته امام ثانی حضرت شهریار ی طرفندن نماز قیلدیریلدی متعاقباً ذات حضرت شهریار ی آلائی والا ایله سرای هایونلرینه عودت بیوردی . ایشته سزه اولی قرائت قرآنمیین و آخری اقامه عماد دین اولان برمولوجد آلائی و الاسی ! جناب حق پادشاهمزی و جهه اهل اسلامی و بتون عثمانیلری با کمال شان و تعالی امثال عالیه سنه ادراک ایله مسعود و مباهی بیورسون .

